

**Nroog Saint Paul Lub Tuam Tsev Saib Xyuas Cov Cai ntawm Tib Neeg thiab Kev
Muaj Vaj Huam Sib Luag rau Kev Lag Luam (HREEO) Cov Lus
Nquag Nug Txog Qib Nyiaj Nqi Zog Tsawg Kawg Nkaus**

Cov ntaub ntawv no muab cov lus qhia rau cov cai ncuav dav thiab cov luag haujlwm ntawm cov tswv haujlwm thiab cov neeg ua haujlwm nyob rau hauv Nroog Saint Paul Txoj Cai Txog Qib Nyiaj Nqi Zog Tsawg Kawg Nkaus.

Cov ntaub ntawv no yog muaj lub hom phiaj tsim los qhia rau pej xeem sawv daws txog cov lus qhia ncuav dav thiab kev qhia txog txoj hau kev uas Lub Nroog yuav siv, txhais, thiab tswj siv Txoj Cai Txog Qib Nyiaj Nqi Zog Tsawg Kawg Nkaus nrog rau cov cai ncuav dav ntawm cov neeg ua haujlwm thiab cov luag haujlwm ntawm cov tswv haujlwm. Cov tswv haujlwm thiab cov neeg ua haujlwm tuaj yeem muaj cov cai ntxiv raws li lwm cov kev cai lij choj hauv zos, xeev lossis tsoom fwv. Cov lus qhia no tsis hais txog cov tswv haujlwm lossis cov neeg ua haujlwm cov cai lossis cov luag haujlwm nrog rau lwm cov cai lij choj no.

Cov Lus Qhia Ncuav Dav

1. Txoj cai qib nyiaj nqi zog tsawg kawg nkaus yog dab tsi?
Nroog Saint Paul Txoj Cai Txog Qib Nyiaj Nqi Zog Tsawg Kawg Nkaus teev tus nqi them nyiaj xuaj moos qis kawg nkaus rau cov haujlwm tau ua nyob hauv nroog Saint Paul. Nws tseem teeb tsa cov cai thiab kev sib kho ntawm cov neeg ua haujlwm thiab cov tswv num cov luag haujlwm.
2. Kuv yuav ua li cas thiaj paub tseeb tias kuv cov neeg ua haujlwm tau ua haujlwm nyob hauv lub nroog cov ciam ad?
Koj tuaj yeem nrhiav lub nroog cov ciam av nyob rau hauv Lub Nroog Saint Paul lub vev xaib:
<https://www.stpaul.gov/departments/city-council#iframe>

Cov tswv haujlwm yuav tsum saib xyuas seb lawv cov neeg ua haujlwm tab tom ua haujlwm nyob rau qhov twg rau lub hom phiaj ntawm nroog Saint Paul cov nyiaj nqi zog qib tsawg kawg nkaus. Cov ntaub ntawv rau kev kwv yees yuav suav nrog, tab sis tsis txwv rau, cov chaw nyob xa khoom, cov sij hawm kwv yees rau kev khiav kev, keeb kwm tus nqi nruab nrab, cov ntawv ceev xwm kev xa khoom, phau ntawv ceev xwm teem sij hawm, thiab cov ntsiab lus kev teem caij. Tseem muaj cov apps hauv xov tooj rau taug qab qhov chaw hauv GPS thiab taug qab xyuas lub sijhawm them nyiaj.

3. Nws tau pib siv nyob rau thaum twg?
Hnub pib siv thiab nqi zog qib tsawg kawg nkaus pib yog nce raws tus tswv haujlwm qhov loj me:

Hnub Pib Siv	Nroog Saint Paul thiab Kev Lag Luam Sib Koom (10,000+ tus neeg ua hauj lwm rov saud)	Kev Lag Luam Loj (100-9,999 tus neeg ua hauj lwm rov saud)	Kev Lag Luam Me (5-99 tus neeg ua hauj lwm)	Cov Kev Lag Luam Me Me Quav (Tsawg dua 5 tus neeg ua hauj lwm)
1/1/2020	\$12.50	Siv lub xeev MN qhov nyiaj nqi zog qib tsawg kawg nkaus	Siv lub xeev MN qhov nyiaj nqi zog qib tsawg kawg nkaus	Siv lub xeev MN qhov nyiaj nqi zog qib tsawg kawg nkaus
Lub Xya Hli 1, 2020	\$12.50	\$11.50	\$10	\$9.25

4. Thaum twg cov nyiaj nqi zog qib tsawg kawg nkaus hauv nroog Saint Paul mam yog \$15 toj ib teev?

Qhov Loj Me ntawm Tus Tswv Hauj Lwm Txoj Lag Luam	Hnub Tim Uas Cov Nyiaj Nqi Zog Qib Tsawg Kawg Nkaus Nce Nto \$15 tauj ib teev
Nroog Saint Paul thiab Cov Kev Lag Luam Sib Koom Macro (10,000+ tus neeg ua hauj lwm rov saud)	Lub Xya Hli 1, 2022
Kev Lag Luam Loj (100-9,999 tus neeg ua hauj lwm)	Lub Xya Hli 1, 2023
Kev Lag Luam Me (5-99 tus neeg ua hauj lwm)	Lub Xya Hli 1, 2025
Kev Lag Luam Me Me Quav (Tsawg dua 5 tus neeg ua hauj lwm)	Lub Xya Hli 1, 2027

5. Kuv yuav mus nrhiav tau cov kab ke lus nyob rau qhov twg?
Txoj kab ke yog nyob hauv [Tshooj 224](#)ntawm Lub Nroog Saint Paul Municipal Txoj Cai.Nws muaj nyob rau hauv lub nroog lub vas sab: www.stpaul.gov/minimumwage

6. Lub nroog lub tsev saib xyuas twg daws cov teeb meem ntawm cov nyiaj nqi zog qib tsawg tshaj plaws?
[Nroog Saint Paul Lub Tuam Tsev Saib Xyuas Cov Cai ntawm Tib Neeg thiab Kev Muaj Vaj Huam Sib Luag rau Kev Ua Lag Luam \(HREEO\)](#)

7. Kuv yuav hu tau rau leej twg yog muaj lus nug?
[HREEO](#)zoo siab los teb koj cov lus nug thiab pab koj tshaj qhia cov kev ua txhaum.Thov hu rau peb ntawm 651-266-8900, lossis xa email rau LaborStandards@ci.stpaul.mn.us.

8. Txoj cai qib nyiaj nqi zog tsawg kawg nkaus no yuav duav txog leej?
Txoj cai no yuav duav txog tag nrho cov neeg ua haujlwm uas ua haujlwm nyob rau hauv cov ciam ad ntawm lub nroog Saint Paul."Tus neeg ua haujlwm" raug txhais tib yam nkaus li lub Xeev Minnesota txhais lo tias "tus neeg ua haujlwm" nyob rau hauv Xeev Minnesota Txoj Cai § 177.23.Cov neeg raug zam ntawm Xeev Minnesota Txoj Cai § 177.23, uas txhais tias yog "neeg ua haujlwm" rau lub xeev txoj cai lij choj nyiaj nqi zog qib tsawg kawg nkaus, kuj tseem raug zam los ntawm nroog Saint Paul Txoj Cai Nyiaj Them Nqi Zog Qib Tsawg Tshaj Plaws, tshwj tsis yog tias tag nrho cov neeg ua haujlwm nyob hauv nroog tau raug duav los ntawm Tsab Cai no.Cov tswv ntiav haujlwm tuaj yeem them nyiaj rau qee tus neeg hluas ua haujlwm thiab cov neeg kawm ua haujlwm hauv tus nqi zog qib tsawg kawg nkaus uas tau hloov kho nyob rau qee lub sijhawm (Txoj Cai 4.2).Txoj Cai no tsis siv rau:
 - a. Cov neeg uas "muaj kev tsis tau cuam tshuam hnyav rau kev ua haujlwm" uas tau txais kev pabcuam ntiav hauj lwm txuas ntxiv raws li Xeev Minnesota Qhov Kev Pab Cuam

- Ntiav Hauj Lwm Txuas Ntxiv;
- b. Cov neeg muaj mob xiam oob qhab yuav tau txais ntawv tso cai ua hauj lwm nyob tom tsev thiab ua hauv cov zej zog, yog tias qhov kev ua haujlwm tau txais kev pab txhawb zoo tshaj plaws (xws li kev pabcuam ua hnuv, kev tshawb nrhiav kev ntiav haujlwm, kev txhim kho lossis cov kev pab cuam txhawb nqa hauv kev lub hlwb raug mob, kev xaiv kev saib xyuas hauv zej zog, kev nkag mus hauv zej zog rau sib sau ua kev cov neeg xiam oob qhab, thiab cov phiaj xwm kev zam kev txhim kho txoj kev xiam oob khab);
 - c. Tus tswv haujlwm tsis raug tseev kom them nyiaj hauv Lub Nroog Tus Nqi Zog Qib Tsawg Kawg Nkaus rau cov neeg ua haujlwm ua kis las pov pob ntaus pob uas yog ib feem ntawm cov pab pawg ntaus pob ywj pheej yog tias cov neeg ua haujlwm tau txais nyiaj them raws li kev sib cog lus tseg thiab muaj npe nyob ntawm cov npe pab neeg ntaus pob;
 - d. Cov neeg cog lus ua hauj lwm ywj pheej.
9. Kuv tuaj yeem mus nrhiav lub nroog St. Paul qhov nyiaj nqi zog qib tsawg kawg nkaus tam sim no nyob rau qhov twg?

Lub Nroog Saint Paul tshaj tawm qhov nyiaj nqi zog qib tsawg kawg nkaus tam sim no nyob rau hauv nws lub website ntawm www.stpaul.gov/minimumwage. Koj kuj tuaj yeem hu rau HREEO lub chaw ua hauj lwm ntawm 651-266-8900, lossis xa email rau HREEO ntawm laborstandards@ci.stpaul.mn.us.

Cov Ntsiab Lus Txhais

1. Nyiaj nqi zog yog dab tsi?
Nyiaj nqi zog yog cov nyiaj them vim yog ib tus neeg ua haujlwm los ntawm kev ntiav ua haujlwm. Lawv suav nrog cov nyiaj hli, cov nyiaj xuaj moos, cov nyiaj them raws nplais hauj lwm, cov nqi tes, thiab cov nyiaj ntxiv uas tsis yog nyob hauv kev xav tau. Cov nyiaj pub dawb thiab cov nyiaj uas tus tswv ntiav haujlwm them rau cov nqi kho mob yog *tsis* raug suav tias yog nyiaj nqi zog raws li Txoj Cai no.
2. Lub ntsiab lus txhais ntawm neeg ua haujlwm yog dab tsi?
Ib tus *neeg ua hauj lwm* muaj tib lub ntsiab lus raws li xeev [Minn. Stat. 177.23](#) uas zam rau cov neeg ua haujlwm hauv qee cov nroog tau raug zam nyob rau hauv lub xeev txoj cai lij choj yog raug pov thaiv los ntawm Txoj Cai no.
Feem ntau, ib tus neeg ua haujlwm txhais tau tias yog ib tus neeg uas tau ntiav rau ua haujlwm los ntawm tus tswv haujlwm. Lub ntsiab txhais ntawm lo tias neeg ua haujlwm tsis suav nrog cov neeg cog lus ua haujlwm ywj pheej, cov neeg ua haujlwm hauv qhov kev pabcuam txuas ntxiv hauv xeev MN Cov Cai Tswj tshooj cai 3300.6000, tshooj cai me 13 thiab koom nrog hauv xeev Minn Stat. 268A.15 qhov kev pabcuam ntiav hauj lwm txuas ntxiv, lossis cov neeg xiam oob qhab uas tau txais kev pabcuam hauv tsev thiab kev pabcuam hauv zej zog uas teev qhia meej hauv xeev Minn. Stat. 245D.03, Seem me 1, nqe lus (c), kab (4), (5) (6) thiab (7).

Lus Cim: Lub ntsiab lus txhais ntawm los tias neeg ua haujlwm hauv Nroog Saint Paul Txoj Cai Txog Nyiaj Nqi Zog Qib Tsawg Kawg Nkaus sib txawv ntawm cov lus txhais rau lo tias neeg ua haujlwm hauv Nroog Saint Paul Txoj Cai Txog Lub Sij Hawm So Thaum Muaj Mob thiab Rau Kev Nyab Xeeb.

3. Dab tsi yog [tus nqi zog rau tub ntxhais hluas?](#)

Cov tswv hauj lwm tuaj yeem them nyiaj rau cov neeg ua hauj lwm tub ntxhais hluas (hnuv nyoog 14-17 xyoo) hauv tus nqi zog rau cov tub ntxhais hluas rau thawj 90 hnuv ntawm lawv txoj kev ua haujlwm.90 hnuv yog cov hnuv sib law liag, tsis yog suav cov hnuv ua haujlwm xwb.Tus nqi zog rau cov tub ntxhais hluas yog yam tsawg kawg 85% ntawm Lub Nroog tus nqi zog qib tsawg kawg nkaus ntawm cov tswv hauj lwm me me sib ntxiv kom tau yuav luag sib npaug zos rau.

Thaum twg tug neeg ua haujlwm muaj 18 xyoo tus nqi zog them tub ntxhais hluas yuav tsis siv ntxiv lawm.Tus tswv hauj lwm yuav tsum them kom puv tus nqi zog qib tsawg kawg nkaus tam sim ntawd thiab yuav tsum tsis txhob tos kom txog thaum tas 90 hnuv pib ua hauj lwm.

4. Dab tsi yog [cov kev cob qhia cov hluas?](#) Cov kev lag luam li cas thiaj li tsim nyog muaj qhov kev cob qhia no?

Cov kev lag luam tuaj yeem koom nrog rau hauv cov kev tsom rau cob qhia cov hluas lossis kev kawm ua haujlwm uas tau pom zoo los ntawm lub nroog.Cov nyiaj nqi zog qib tsawg kawg nkaus hloov kho rau cov kev pab cuam no siv rau cov neeg ua haujlwm koom nrog uas muaj hnuv nyoog qis dua nees nkaum (20) xyoo.Tus nqi zog qib tsawg kawg nkaus rau cov tub ntxhais hluas yog yam tsawg kawg 85% ntawm tus nqi zog qib tsawg kawg nkaus ntawm cov tswv hauj lwm me me sib ntxiv kom tau yuav luag sib npaug zos rau.

Muaj ob txoj hauv kev los mus ua kom tsim nyog rau cov kev cob qhia cov hluas:

- A. Tau txais cov peev nyiaj hauv cheeb tsam/xeev/tsoomfwv qib siab rau kev pab cuam ncaj qha rau kev tsim kho cov neeg ua haujlwm tub ntxhais hluas (cov peev txheej uas raug pom zoo).Cov kev pab cuam uas muaj peev txheej nyiaj tsim nyog yuav cia li raug muab suav nrog cov kev pab cuam uas tau pom zoo.
- B. Rau cov kev pab cuam cob qhia cov hluas uas tsis muaj qhov peev txheej tsim nyog, cov kev pab cuam ntawd yuav tsum suav nrog cov hauv qab no:

- i. Cov tub ntxhais hluas yuav tsum muaj qee yam kev npaj txhij tsawg kawg nkaus rau kev ua haujlwm, uas suav nrog cov hauv qab no:
 - a. Yuav tsum npaj txhij rau kev cob qhia ua hauj lwm rau yam tsawg kawg rau (6) teev.Cov ntaub ntawv kawm yuav tsum muaj Cov Txuj Ci Kev Sib Txuas Lus, Kev Ua Haujlwm Ua Pab Pawg/Kev Sib Koom Tes, thiab Kev Tswj Lub Sijhawm.
 - b. Yuav tsum muaj kev cob qhia txog yam tsawg kawg yog ob (2) qho

ntawm cov hauv qab no:

- i. Cov Hauv Paus Tseem Ceeb Ntawm Txoj Haujlwm
 - ii. Kev Ncaj Ncees Ntawm Kev Ua Hauj Lwm,
 - iii. Kev Daws Teeb Meem.
- ii. Cov kev pab cuam yuav tsum muaj yam tsawg kawg ib (1) qho ntawm cov hauv qab no rau cov hluas cob qhia:
- a. muaj lub fwv tsam zoo rau kev txhim kho kev txawj ua hauj lwm yam tsawg kawg ib zaug nyob rau hauv thawj 90 hnuv ua haujlwm.
 - b. muaj lub fwv tsam zoo rau kev tau hauj lwm ua yam tsawg kawg ib zaug nyob hauv thawj 90 hnuv ntawm kev ua haujlwm, lossis;
 - c. muaj cov fwv tsam zoo rau kev kawm tau txais qhab nia (tau qhab nia qib tsev kawm qib siab rau qhov kev paub).
- iii. Cov Kev Cai Rau Kev Saib Xyuas:
- a. Cov thawj saib xyuas yuav tsum kawm kom tiav yam tsawg kawg ob (2) teev ntawm txoj kev cob qhia fab: Kev Tshaj Lij Fab Kab Lis Kev Cai, Kev Txhim Kho Cov Hluas, Kev Qhia Ntawv, thiab kev tsim lub phiaj xwm kawm ua haujlwm tau zoo.
 - b. Yog tias tsis tau rau npe hauv tsev kawm ntawv (lub caij ntuj sov lossis tsis cuv npe), cov neeg ua haujlwm yuav tsum ua haujlwm yam tsawg kawg 15 xuaj moos hauv ib lub lim tiam rau tsawg kawg rau (6) lub lim tiam. Yog tias rau npe koom hauv cov chav kawm tam sim no, cov neeg ua haujlwm yuav tsum ua haujlwm tsawg kawg 10 teev hauv ib asthiv.
- iv. Cov neeg ua haujlwm yuav tsum tsim kho qhov phiaj xwm txoj haujlwm kev kawm ua haujlwm nrog lawv tus thawj saib xyuas thiab yuav tsum muaj kev tuaj ntsib txhua lub lim tiam nrog lawv tus thawj saib xyuas.
5. Kuv muaj cov neeg ua haujlwm tub ntxhais hluas uas tsim nyog, lub rooj teev sij hawm cov nyiaj nqi zog rau tub ntxhais hluas yog li cas?

Hnuv Pib Siv	Nqi Zog Rau Tub Ntxhais Hluas
Lub Xya Hli 1, 2020	\$8.50
Lub Xya Hli 1, 2021	\$9.35
Lub Xya Hli 1, 2022	\$10.20
Lub Xya Hli 1, 2023	\$11.05
Lub Xya Hli 1, 2024	\$11.90
Lub Xya Hli 1,	\$12.75

2025	
Tom qab lub Xya Hli 1, 2025	85% ntawm Lub Nroog tus nqi zog qib tsawg kawg nkaus, ntxiv kom yuav luag sib npaug zos li

Cov neeg ua haujlwm

1. Puas yog qhov nyiaj them nqi zog qib tsawg kawg nkaus siv rau cov neeg ua haujlwm puv sij hawm thiab cov ua ib nrab sij hawm tib si? Yog kawg.
2. Puas yog qhov nyiaj them nqi zog qib tsawg kawg nkaus siv rau cov neeg ua haujlwm ib ntus? Yog kawg.
3. Puas yog qhov nyiaj them nqi zog qib tsawg kawg nkaus siv rau cov neeg ua haujlwm uas ua haujlwm nyob hauv nroog St. Paul tab sis tsis yog pej xeeb nyob hauv nroog?
Yog kawg. Chaw nyob tsis yog ib qho uas yuav txiav txim tau tias seb qhov nyiaj them nqi zog qib tsawg kawg nkaus siv rau. Cov neeg ua haujlwm uas ua haujlwm nyob rau hauv nroog Saint Paul yam tsawg kawg ob xuaj moos nyob hauv ib asthiv yog tau txais qhov nyiaj them nqi zog qib tsawg kawg nkaus.
4. Lub Nroog txoj cai qhov nyiaj them nqi zog qib tsawg kawg nkaus puas tiv thaiv cov neeg ua haujlwm uas tsis muaj ntaub ntawv ua haujlwm? Cov neeg ua haujlwm raug pov thaiv nyob hauv txoj cai qhov nyiaj them nqi zog qib tsawg kawg nkaus yam tsis hais txog lawv tus txheej xwm kev nkag tebchaws. Thov nco tseg:
 - HREEO yuav lis cov neeg ua haujlwm qhov kev tsis txaus siab yam tsis hais txog xwm kev nkag tebchaws li.
 - Cov neeg ua haujlwm ua ntawv tshaj qhia yuav tsis raug nug txog lawv qhov xwm txheej kev nkag tebchaws.
 - Nws yog kev ua pauj yog cov tswv haujlwm hem thawj Yog tias tus tswv ntiav haujlwm qhia rau tus neeg ua haujlwm tias, yog tias nws ua daim ntawv foob thov them nyiaj lossis kev tsis txaus siab, tus tswv ntiav haujlwm yuav tshaj qhia xwm txheej kev yog neeg xam xaj lossis kev nkag tebchaws ntawm tus neeg ua haujlwm lossis cov neeg hauv yim neeg mus rau tsoom fwv lub koomhaum, qhov no yuav raug txiav txim tias yog kevua pauj, uas tseem ua txhaum txoj cai no thiab.
5. Kuv yuav ua tau li cas yog tias kuv tus tswv ntiav haujlwm tsis them nyiaj rau kuv hauv Lub Nroog Saint Paul qhov nyiaj nqi zog qib tsawg kawg nkaus?
Koj tuaj yeem foob qhov tsis txaus siab uas yog tiv tauj rau HREEO ntawm www.stpaul.gov/minimumwage, laborstandards@ci.stpaul.mn.us, lossis 651-266-8900.
6. Kuv yuav tsum xa daim ntawv tsis txaus siab nyob rau hauv lub sij hawm ntev npaum li cas?
Koj muaj sij hawm ob xyoos suav txij li hnuv muaj qhov xwm txheej no los sau ntawv

tshaj qhia rau lub tuam tsev. Hnub tim ntawm qhov xwm txheej rau kev rov ua dua lossis rov ua txhaum dua yog hnub kawg ntawm qhov kev ua txhaum.

7. Kuv puas tuaj yeem hais qhov kev tsis txaus siab txog qhov xwm txheej ua ntej pib siv txoj cai cov nyiaj nqi zog qib tsawg kawg nkaus?
Tsis tau.
8. Cov nqi lag luam puas suav rau hauv kev them nyiaj nqi zog qib tsawg kawg nkaus? Yog kawg.
9. Cov nyiaj pub dawb puas suav rau hauv cov nyiaj nqi zog qib tsawg kawg nkaus?
Tsis suav.
10. Kuv yog ib feem ntawm qhov kev cob qhia lossis kev kawm ua haujlwm uas tau pom zoo hauv lub nroog. Puas yog qhov nyiaj them nqi zog qib tsawg kawg nkaus siv rau kuv?
Qhov nyiaj them nqi zog qib tsawg kawg nkaus siv rau hauv tus nqi hloov kho. Koj tus tswv hauj lwm tuaj yeem them nyiaj rau koj yam tsawg kawg 85% ntawm tus nqi zog qib tsawg kawg nkaus ntawm cov tswv hauj lwm me me sib ntxiv kom tau yuav luag sib npaug zos rau. Tus nqi zog qib tsawg kawg nkaus uas hloov kho yuav tsum tsis pub tsawg dua qhov tau sam fwm nyob rau hauv lub xeev cov cai thiab cov cai tswj hwm.

Cov Tswv Hauj Lwm

1. Cov tswv ntiav hauj lwm twg yuav tsum them nyiaj nqi zog qib tsawg kawg nkaus rau nws cov neeg ua haujlwm?
Txhua tus tswv ntiav haujlwm uas muaj cov neeg ua haujlwm ua haujlwm tsawg kawg ob xuaj moos hauv ib asthiv nyob hauv Lub Nroog Saint Paul yuav tsum them nyiaj rau cov neeg ua haujlwm no ntawm cov nyiaj nqi zog qis kawg nkaus no.
2. Puas yog cov neeg cog lus ua haujlwm ywj pheej raug pov thaiv los ntawm txoj cai no? Tsis tau.
3. Lub Nroog yuav txheeb li cas thiaj tias yog tus neeg cog lus ua hauj lwm ywj pheej? Lub Nroog yuav xyuas seb tus neeg ua hauj lwm puas:
 1. ua ib daim ntawv them se rov qab ntawm tus kheej ua hauj lwm rau tus kheej;
 2. tswj hwm ib qho lag luam thiab siv lawv tus kheej cov cuab yeej;
 3. muaj kev cog lus rau ua cov haujlwm kev pabcuam nrog lub chaw haujlwm;
 4. paub cov nyiaj tau los yog poob peev hauv qhov kev cog lus ua tiav cov kev pabcuam;
 5. them cov nqi tseem ceeb uas ntsig txog kev ua txoj haujlwm;
 6. tswj hwm tus yam ntxwv thiab txoj hau kev ua txoj haujlwm;

4. Kev sam fwm rau kev ceeb toom ua ntej ntawm txoj cai no yog dab tsi?
 - A. Cov tswv haujlwm yuav tsum tshaj tawm daim ntawv ceeb toom qhia txog tus neeg ua haujlwm cov cai tam sim no.
 - a. Daim ntawv ceeb toom yuav tsum qhia meej txog tus neeg ua haujlwm cov cai thiab cov kev sib kho nyob hauv txoj cai no. Qhov no yuav tsum ceeb toom tias:
 1. Cov neeg ua haujlwm muaj txoj cai tau txais kev them nyiaj rau tus nqi zog qib qis tshaj plaws
 2. Cov neeg ua haujlwm muaj txoj cai los qhia tawm ib qho kev ua txhaum ntawm tshooj lus no lossis qhov tsis kam lees them cov nqi dag zog qis kawg nkaus.
 3. Kev ua paj rau kev thov rau cov nyiaj them nqi zog qis tshaj plaws, lossis kev ua paj rau kev qhia tias tau ua txhaum.
 - b. Daim ntawv ceeb toom yuav tsum nyob rau qhov chaw uas saib pom tau thiab pom meej tseeb uas txhua tus neeg ua haujlwm tuaj yeem nkag mus siv tau.
 - B. Cov tswv lag luam yuav tsum hloov kho tshiab neeg ua haujlwm txhua phau ntawv qhia nrog cov neeg ua haujlwm cov cai thiab cov kev sib kho hauv txoj cai no.
 - C. Yog tias tus tswv haujlwm tab tom nyob hauv txoj kev tshuaj xyuas txog qhov ua txhaum txoj cai them nyiaj nqi zog qib tsawg kawg nkaus, tus tswv haujlwm yuav tsum tshaj tawm cov ntawv ceeb toom ntawm kev tshawb nrhiav tam sim no nyob hauv tib qho chaw uas daim ntawv ceeb toom ntawm cov neeg ua haujlwm cov cai raug tso rau.
5. Cov tswv haujlwm yuav ua raws li daim ntawv tshaj qhia hauv chaw ua haujlwm tau li cas yog tias cov neeg ua haujlwm sib tham hauv xov tooj xwb lossis ua haujlwm sab nraum zoov uas tsis muaj lub chaw ua haujlwm loj? Cov tswv haujlwm yuav muab daim ntawv tshaj qhia rau ib leeg zuj zus hauv tus neeg ua haujlwm hom lus los ntawm tus kheej los yog hauv cuab yeej siv hluav taws xob uas meej tseeb thiab tuaj yeem nkag mus siv tau.
6. Cov neeg ua haujlwm sab nraud ntawm lub nroog uas ua haujlwm hauv nroog aint Paul qee zaus puas yuav tsum raug them nyiaj hauv lub Nroog Saint Paul qib nyiaj nqi zog tsawg kawg nkaus? Cov neeg ua haujlwm yuav tsum tau txais qhov nyiaj nqi zog qib tsawg kawg nkaus rau lawv lub sijhawm tau ua haujlwm hauv nroog Saint Paul. Cov neeg ua haujlwm yuav tsum ua haujlwm nyob rau hauv nroog Saint Paul cov ciam ad yam tsawg kawg ob xuj moos kom thiab muaj cai tau txais raws li txoj cai no.
7. Cov tswv haujlwm tuaj yeem tau txais daim ntawv tshaj tawm hauv chaw haujlwm nyob rau qhov twg? HREEO muab cov ntawv tshaj xo thiab daim ntawv ceeb toom uas muaj cov ntaub

ntawv xav tau nyob rau hauv. Cov tswv hauj lwm kuj tuaj yeem tsim lawv tus kheej daim ntawv ceeb toom yog tias nws muaj cov ntaub ntawv xav tau no nyob rau hauv. Cov tswv hauj lwm tuaj yeem ua raws li qhov yuav tsum tau ua los ntawm kev luam tawm ib daim ntawv ceeb toom ntawm Lub Nroog.

8. Cov tswv hauj lwm yuav tsum khaws cov ntaub ntawv kev them nyiaj hli cia ntev npaum li cas?

Cov tswv haujlwm yuav tsum tsim thiab khaws cov ntaub ntawv teev tseg cov nyiaj nqi zog tau them rau txhua tus neeg ua haujlwm yam tsawg kawg peb xyoos rau txhua tus neeg ua haujlwm.

9. Kuv lub lag luam yog ib lub lag luam uas khiav hauj lwm los ntawm tsev neeg. Kuv puas yuav tsum tau them nyiaj rau kuv niam thiab kuv txiv, tus txij nkawm, lossis tus menyuum hauv Lub Nroog tus nqi zog qib tsawg kawg nkaus?

Yog kawg. Koj yuav tsum them tag nrho cov neeg ua haujlwm ntawm tus nqi zog qib tsawg kawg nkaus rau txoj hauj lwm uas ua tiav nyob rau hauv nroog Saint Paul.

10. Kuv yog ib tus tswv ntiav haujlwm thiab tau pom tias kuv tsis tau ua raws li txoj cai hais txog tus nqi zog qis kawg nkaus. Kuv xav kho kom raug los ntawm tus kheej. Kuv yuav tsum ua cov kauj ruam twg?

Yog koj tsis ua raws li tag nrho tus tswv haujlwm cov cai, thov tiv tauj HREEO ntawm laborstandards@ci.stpaul.mn.us lossis 651-266-8900. Yuav kom ntseeg tau tias koj ua raws li txoj cai hais txog nyiaj nqi zog qis kawg nkaus, lub Nroog muaj cov ntaub ntawv muaj rau cov tswv haujlwm, suav nrog cov kev kuaj xyuas tus kheej thiab daim ntawv txheeb xyuas.

11. Yuav ua li cas yog tias kuv cov neeg ua haujlwm nyob sab nraum ntawm nroog St. Paul thiab tuaj hla lub nroog St. Paul ua ib feem ntawm lawv txoj haujlwm?

Cov nyiaj nqi zog qis kawg nkaus tsis siv rau cov neeg ua haujlwm uas tsuas yog hla dhau nroog Saint Paul xwb. Cov neeg ua haujlwm yuav tsum ua haujlwm tsawg kawg ob teev nyob rau ib asthiv nyob hauv lub nroog cov ciam ad kom txoj cai nyiaj nqi zog qis kawg nkaus thiaj siv tau.

12. Puas yog txoj cai no siv rau cov tswv haujlwm uas tsis nyob hauv nroog Saint Paul tab sis muaj

tus neeg ua hauj lwm hauv nroog Saint Paul?

Yog kawg. Ib tus neeg ua haujlwm uas ua haujlwm nyob rau hauv nroog Saint Paul yam tsawg kawg ob xuj moos nyob hauv ib asthiv yuav tsum tau txais qhov nyiaj them nqi zog qib tsawg kawg nkaus rau cov teev ua hauj lwm ntawd.

13. Kuv yuav ua li cas thiaj paub tseeb tias tus neeg ua haujlwm tau siv sijhawm ntau npaum li cas ua haujlwm nyob hauv Lub Nroog cov ciam ad?

Koj tuaj yeem kwv yees yam tsim nyog txog tus neeg ua haujlwm lub sijhawm siv ua haujlwm nyob hauv Lub Nroog los txiav txim siab seb ib tus neeg ua haujlwm puas ua

haujlwm yam tsawg kawg ob teev hauv ib asthiv hauv nroog St. Paul. Cov ntaub ntawv rau kev kwv yees yuav suav nrog, tab sis tsis txwv rau, cov chaw nyob xa khoom, cov sij hawm kwv yees rau kev khiav kev, keeb kwm tus nqi nruab nrab, cov ntawv ceev xwm kev xa khoom, phau ntawv ceev xwm teem sij hawm, thiab cov ntsiab lus kev teem caij. Tseem muaj cov apps hauv xov tooj rau taug qab qhov chaw hauv GPS thiab taug qab xyuas lub sijhawm them nyiaj.

14. Kuv yuav txiav qhov loj me tawm kuv lub lag luam tau li cas nyob hauv txoj cai nyiaj them nqi zog qib tsawg kawg nkaus no?

Ib tus tswv haujlwm lub lag luam qhov loj me nyob rau hauv lub xyoo tam sim no nyob nce rau ntau yam.

Suav kom tag nrho cov neeg ua haujlwm puv sij hawm, ua ib nrab sijhawm, koom ua ke, lossis cov ua ib ntus. Suav nrog cov neeg ua haujlwm uas tsis nyob hauv nroog Saint Paul.

Lub Lag Luam Tshiab

Koj muaj lub lag luam tshiab nyob rau hauv qab txoj cai no yog tias nws tau tsim ua lag luam los tau tsawg dua ib xyoos. Rau cov lag luam tshiab, nrhiav tus naj npawb nruab nrab cov neeg ua haujlwm tauj ib lub lim tiam thaum thawj 90 hnuv tom qab koj thawj tus neeg ua haujlwm pib ua haujlwm. Muab tus naj npawb tag nrho cov neeg ua haujlwm hauv ib lub lim tiam sib ntxiv rau thawj 13 lub lim tiam thiab muab tus naj npawb tag nrho uas tau los ntawd faib rau 13.

“Mom and Pop” yog ib lub khw muag paj kws tshiab uas nyuam qhuav qhib hauv plawv nroog St. Paul. Hauv thawj 90 hnuv, Mom and Pop tau siv zog los ntiav lawv cov neeg ua haujlwm kom haum thiab zoo tshaj plaws. Thaum lub sijhawm 90 hnuv tau dhau mus, nkawm ob niam txiv tau suav qhov loj me ntawm nkawv qhov kev lag luam los ntawm kev muab cov neeg ua haujlwm hauv txhua lub lim tiam hauv thawj 13 lub lim tiam los sib ntxiv ua ke. Nyob rau hauv thawj peb lub lim tiam hauv lub sijhawm no, “Mom and Pop” muaj 10 tus neeg ua haujlwm. Lub lim tiam thib plaub, Mom and Pop tau ntiav neeg ua haujlwm ntxiv tsib leeg. Nkawv ob txij nkawm tsis ntiav neeg ua haujlwm ntxiv lawm thiab tsis laij ib tug neeg ua haujlwm tawm li nyob rau hauv ncuaj sij hawm 90 hnuv no. Mom and Pop txoj kev tsom xam lub lag luam qhov loj me yuav zoo li no:

Lub lim tiam thib ib: (10 tus neeg ua haujlwm)

+ Lub lim tiam thib ob: (10 tus neeg ua haujlwm)

+ Lub lim tiam thib peb: (10 tus neeg ua haujlwm)

+ Lub lim tiam thib plaub: (15 tus neeg ua haujlwm)

+ Lub lim tiam thib tsib: 15 tus neeg ua haujlwm + thiab lwm yam. rau 13 lub lim tiam

=180/13= 13.85 tus naj npaawb nruab nrab ntawm cov neeg ua hauj lwm hauv ib lub lim tiam.

Mom and Pop lub lag luam raug suav tias yog kev lag luam me.

Feem ntau, qhov loj me ntawm lub lag luam yog nce raws li tus naj npawb nruab nrab ntawm cov neeg ua haujlwm hauv ib lub lim tiam nyob rau hauv lub xyoo dhau los.

Tau 15 lub xyoos, "Izzy's Iguana Emporium" tau muag tsiaj yug puam coos khem (iguana). Izzy muaj ib pab pawg neeg ua haujlwm li 15 leeg xyoo tas los thiab tsis tas yuav ntiav ntxiv lossis laij tawm ib tus neeg ua haujlwm lawm. Yuav kom ua raws li Nroog St. Paul Txoj Cai Txog Cov Nyiaj Nqi Zog Qib Tsawg Kawg Nkaus, Izzy tau muab nws 15 leej neeg ua hauj lwm hauv ib lub lim tiam sib ntxiv ua ke nto 52 lub lim tiam. (15+15+15+15+15 ··· kom nto 52 lub lim tiam) Izzy qhov kev suav cov neeg ua hauj lwm tag nrho tauj ib lub lim tiam yog 780. Tom qab ntawd, Izzy tau faib 780 rau 52 thiab pom tias nws tus naj npawb nruab nrab ntawm cov neeg ua haujlwm hauv ib lub lim tiam yog 15 leej. Izzy lub lag luam raug suav tias yog kev lag luam me.

Lub xyoo tom ntej "Izzy's Iguana Emporium" tau ntiav ib tus neeg ua haujlwm tshiab nyob rau lub lim tiam thib peb. Izzy tau yuav tsum tau laij tawm tus neeg ua haujlwm no nyob rau ib lub lim tiam tom qab. Izzy tau txiav txim siab khaws nws cov neeg ua haujlwm coob ib yam qhov qub no mus kom tag xyoo ntawd. Izzy qhov kev rov xam dua qhov loj me ntawm lub lag luam nyob rau xyoo tom ntej yuav zoo li no:

Lub lim tiam thib ib: (15 tus neeg ua hauj lwm

+ Lub lim tiam thib ob: (15 tus neeg ua hauj lwm

+ Lub lim tiam thib peb: (16 tus neeg ua hauj lwm

+ Lub lim tiam thib plaub: (16 tus neeg ua hauj lwm

+ Lub lim tiam thib tsib: 15 tus neeg ua hauj lwm ...+thiab lwm yam. rau 52 lub lim tiam

=782/52= 15.04 tus naj npaawb nruab nrab ntawm cov neeg ua hauj lwm hauv ib lub lim tiam.

Izzy lub lag luam raug suav tias yog kev lag luam me.

Lam Luam Sib Koom Tes

Rau cov laj thawj ntawm kev txiav txim siab txog lub chaw ua haujlwm qhov loj me raws

li Txoj Cai no, cov lag luam sib koom tes yog nrog suav ua ib tus tswv haujlwm. Qhov ntawd txhais tau hais tias thaum xam qhov loj me ntawm koj lub lag luam, muab tag nrho cov neeg ua haujlwm los ntawm txhua qhov lag luam uas tau koom nrog lub lag luam sib koom tes no los sib ntxiv ua ke. Nco ntsoov suav cov neeg ua haujlwm hauv lub lag luam sib koom ua ke no ua tib zaug xwb. Lub Tuam Tsev yuav txiav txim siab qhov muaj nyob ntawm txoj lag luam sib koom los ntawm kev ntsuas qhov qib ntawm kev tswj hwm uas tau ua los ntawm ib lub koom haum los ntawm kev ua haujlwm ntawm lwm lub koom haum. Cov ntsiab lus nyob hauv qhov kev ntsuas no suav nrog, tab sis tsis txwv rau:

- a. Qib kev sib cuam tshuam ntawm cov kev khiav haujlwm;
- b. Qib ntawm cov koom haum sib koom kev tswj tuav;
- c. Kev tswj hwm kev sib raug zoo ntawm neeg ua haujlwm ua qhov nruab nrab;
- d. Qib ntawm kev ua tswv cuab ua ke los yog kev tswj hwm nyiaj txiag los ntawm lwm cov chaw ua haujlwm.

Cov tuam txhab "Pinky's Rockets" thiab "Brain 's Search Engine" muaj lub lag luam sib koom tes los muab daim duab qhia chaw qhia txhij txhua ntawm tag nrho lub ntiaj teb no. Ob lub tuam txhab no puas leej muaj pab pawg neeg ua haujlwm ua mob siab ua haujlwm xyoo tas los thiab tsis tas yuav ntiav ntxiv lossis laij tawm ib tus neeg ua haujlwm lawm. Txhawm rau xam qhov loj me ntawm lawv lub lag luam, lawv yuav tsum muab xav tias lawv cov lag luam yog muaj tib tug tswv haujlwm xwb. "Brain 's" tau muab nws 40 tus neeg ua haujlwm nyob rau lub lim tiam thib ib sib ntxiv rau "Pinky's" 30 tus neeg ua haujlwm nyob rau ib lim tiam thib ib thiab. Lawv suav cov neeg ua haujlwm hauv lub lag luam sib koom ua ke tib zaug. Lawv tau ua li no rau txhua lub lim tiam kom nto 52 lub lim tiam thiab muab tus naj npawb tag nrho los faib rau 52. Kev sib koom ua ke ntawm tus naj npawb nruab nrab ntawm cov neeg ua haujlwm hauv ib lub lim tiam yog 70 leej Lub lag luam sib koom tes no yog kev lag luam me.

Cov Chaw Muag Khoom (Franchises)

Yog tias koj qhib ib qho chaw lag luam muag khoom (franchise) raws li xeev Minn Txoj Cai. § 80C.01, koj yuav xam tus naj npawb ntawm cov neeg ua haujlwm tag nrho nyob rau hauv txhua lub franchise uas ua tswv thiab khiav haujlwm los ntawm ib tug tswv chaw muag khoom nkaus xwb. Tsis txhob nrhiav tus naj npawb nruab nrab ntawm cov neeg ua haujlwm hauv ib lub lim tiam.

Lub chaw muag khoom uas sib raug zoo nrog ntau tshaj ob tog neeg yog suav tias yog kev sib koom ua lag luam thiab yuav tsum suav tag nrho cov neeg ua haujlwm ntawm txhua lub chaw muag khoom ncau. Lub nra hnyav no yog nyob ntawm tus tswv ntiav haujlwm los tsim koj tsis yog lag luam koom ua ke yog tias koj tsis pom zoo nrog kev faib cais tawm no.

Lub Chaw Muag Khoom Ncaj Nraim:

Piv Txwv #1: “Burger Mikes” yog ib lub chaw muag khoom zaub mov noj sai muaj kev vam meej heev hauv Teb Chaws Asmeskas. Keaton muaj kev sib cog lus chaw muag khoom (franchise) ncaj qha nrog lub tuam txhab “Burger Mikes”. Keaton muaj plaub qhov chaw muag khoom “Burger Mikes”, tsuas yog ib qho ntawm cov chaw no thiaj nyob hauv Nroog St. Paul xwb. Yuav kom ua tau raws li Nroog St. Paul Txoj Cai Nyiaj Them Nqi Zog Qib Tsawg Kawg, Keaton yuav tsum suav tag nrho cov neeg ua haujlwm ntawm txhua lub chaw ua haujlwm, txawm tias tsis nyob hauv nroog St. Paul. Hauv lub sijhawm ntawm ib lub xyoos, Keaton tau ntiav 40 tus neeg ua haujlwm ntawm qhov chaw #1, 35 tus neeg ntawm qhov chaw #2, 48 tus neeg ntawm qhov chaw #3, thiab 38 tus neeg ntawm qhov chaw #4. (40 + 35 + 48 + 38 muaj 161 tus neeg ua haujlwm). Keaton lub chaw muag khoom franchise raug suav tias yog kev lag luam loj.

Piv Txwv #2: “Grizzly Express” yog ib lub chaw muag khoom zaub mov noj sai muaj kev vam meej heev hauv Teb Chaws Asmeskas. Steven muaj kev sib cog lus chaw muag khoom (franchise) ncaj qha nrog lub tuam txhab “Grizzly Express”. Steven muaj ib qhov chaw muag khoom nyob sab hauv Nroog St. Paul thiab ob qhov chaw nyob hauv Woodbury. Txawm li cas los xij, Steven paub ua raws li Nroog St. Paul Txoj Cai Txog Nyiaj Nqi Zog Qib Tsawg Kawg Nkaus tias qhov chaw nyob ntawm nws cov chaw muag khoom tsis muaj teeb meem thaum xam qhov loj me ntawm lub lag luam. Steven muab tag nrho cov neeg ua haujlwm hauv nws cov chaw muag khoom los sib ntxiv ua ke. Qhov chaw #1 muaj 28 tus neeg ua haujlwm, qhov chaw #2 muaj 34 tus neeg ua haujlwm, thiab qhov chaw #3 muaj 32 tus neeg ua haujlwm. (28 + 34 + 32 muaj 94 tus neeg ua haujlwm). Steven lub chaw muag khoom franchise raug suav tias yog kev lag luam me.

Ntawv cog lus chaw muag khoom (franchise) nrog ntau tshaj ob tog neeg:

“Frank’s Fries” yog ib lub chaw muag khoom zaub mov noj sai muaj kev vam meej heev hauv Teb Chaws Asmeskas. Lawv muaj ntawv cog lus pom zoo nrog “Metro-Place Foods” los mus ua chaw muag khoom franchise hauv cheeb tsam ntawd. Keaton muaj ntawv cog lus pom zoo chaw muag khoom franchise nrog rau “Metro-Place Foods” thiab “Frank’s Fries” tib si rau tib lub chaw muag khoom franchise nyob hauv nroog St. Paul. Yuav kom ua tau raws li St. Paul Txoj Cai Txog Nyiaj Nqi Zog Qib Tsawg Kawg Nkaus, Keaton yuav tsum suav tag nrho cov neeg ua haujlwm ntawm “Metro-Place Foods”, suav nrog txhua tus ntawm lawv cov franchise-ncau, xws li Keaton lub, nyob rau txhua qhov chaw. “Metro-Place Foods” muaj 20 lub franchisees-ncau, txhua lub muaj 30 tus neeg ua haujlwm hauv lub sijhawm ib lub xyoos. “Metro-Place Foods” thiab Keaton muaj tag nrho 600 tus neeg ua haujlwm thiab raug suav tias yog kev lag luam loj rau cov hom phiaj ntawm qhov loj me ntawm txoj kev lag luam.

Cov Khw Noj Mov

Tshwj tsis yog rau cov khw noj mov uas ua haujlwm raws cai (franchise), txhua qhov chaw muab kev pabcuam hauv lub tsev noj mov hauv nroog thiab muaj tsawg dua kaum (10) qhov chaw nyob thoob teb chaws, yog tib tug tswv haujlwm kheej txhawm rau los txiav txim siab qhov loj me ntawm lub lag luam. Txhawm rau ntsuas qhov loj me ntawm koj qhov lag luam, muab tag nrho tus naj npawb ntawm cov neeg ua haujlwm los ntawm txhua qhov chaw los sib ntxiv ua ke tauj ib lub lim tiam kom nto 52 lub lim tiam thiab muab faib rau 52.

“Taylor ’ s ” yog lub tsev noj mov pabcuam txhua nrho nrog qhov chaw zoo zis siab thiab muab kev pabcuam qhua nrawm. Lub tsev noj mov muaj peb (3) qho chaw thoob teb chaws, ib qho chaw nyob hauv nroog St. Paul. Thaum “Taylor’s” xav los xam qhov loj me ntawm nws txoj kev lag luam kom tau raws li txoj cai St. Paul Txoj Cai Txog Nyiaj Nqi Zog Qib Tsawg Kawg Nkaus, cov tswv lag luam tau suav cov neeg ua haujlwm nyob ntawm lub chaw hauv nroog St. Paul txhua. Lawv tsis suav nrog cov neeg ua haujlwm nyob rau lwm qhov chaw. Cov tswv lag luam muaj pab pawg neeg ua haujlwm 90 leej xyoo tas los thiab tsis tas yuav ntiav ntxiv lossis laij tawm ib tus neeg ua haujlwm lawm. Cov tswv lag luam tau muab lawv cov neeg ua haujlwm 90 leej no los sib ntxiv ua ke rau hauv txhua lub lim tiam kom nto 52 lub lim tiam. (90+90+90+90+90...kom nto 52 lub lim tiam) “Taylor ’ s ” cov neeg ua haujlwm tag nrho rau ib lub lim tiam yog 4,680. Tom qab ntawd, cov tswv lag luam tau faib 4,680 rau 52 thiab pom tias tus naj npawb nruab nrab ntawm cov neeg ua haujlwm hauv ib lub lim tiam yog 90 leej. “Taylor ’ s ” lub chaw muag khoom franchise raug suav tias yog kev lag luam me.

Xyoo tom ntej, kev lag luam mus tau zoo heev rau “Taylor ’ s” cov tswv txiav txim siab ntiav 11 tus neeg ua haujlwm tshiab nyob rau lub lim tiam thib ob los pab ua haujlwm hauv lub tsev noj mov. Tom qab ntawd, cov tswv lag luam tau txiav txim siab khaws nws cov neeg ua haujlwm coob ib yam qhov qub no mus kom tag xyoo ntawd. Yog li ntawd, “Taylor ’ s ” kev xam qhov loj me ntawm txoj lag luam yuav zoo li qhov no thaum lawv rov xam dua nyob rau lub Ib Hlis 1:

Lub lim tiam thib ib: 90 tus neeg ua haujlwm

+ Lub lim tiam thib ob: 101 tus neeg ua haujlwm

+ Lub lim tiam thib peb: 101 tus neeg ua haujlwm

+ Lub lim tiam thib plaub: (101 tus neeg ua haujlwm

+ Lub lim tiam thib tsib: 101 tus neeg ua haujlwm ...+thiab lwm yam. rau 52 lub lim tiam
=5,241/52= 100.79 tus naj npawb nruab nrab ntawm cov neeg ua haujlwm hauv ib lub lim tiam.

Tam sim no “Taylor ’ s ” raug suav tias yog kev lag luam loj.

15. Rau cov laj thawj ntawm kev txiav txim qhov loj me ntawm txoj lag luam, puas yog cov tswv lossis cov tswv cuab ntawm cov laug raug suav nrog? Cov tswv lag luam thiab cov tswv cuab tsis raug suav ua cov neeg ua haujlwm rau hauv txoj kev xam qhov loj me ntawm txoj lag luam. Tab sis cov tswv ntiav haujlwm yuav tsis npog cov neeg ua haujlwm kom pauv tau qhov loj me ntawm lawv qhov kev lag luam.
16. Cov ntaub ntawv dab tsi uas cov tswv ntiav haujlwm yuav tsum tau khaws cia? Tus tswv haujlwm yuav tsum tsim cov ntaub ntawv sau cia cov nyiaj nqi zog tau them rau txhua tus neeg ua haujlwm. Cov ntaub ntawv xav tau yuav tsum raug khaws cia tsawg kawg 3 xyoos. Cov tswv lagluam yuav tsum khaws cov ntaub ntawv ntsig txog cov neeg cog lus ua haujlwm ywj pheej (xws li cov ntawv cog lus, cwj ciam txoj haujlwm) thiab cov ntaub ntawv ntsig txog kev hloov kho qib nyiaj nqi zog tsawg kawg nkaus rau tus nqi zog neeg hluas lossis cov kev pab cuam cob qhia cov hluas (piv txwv li qhov kev pab cuam cov feem, cov peev txheej nyiaj, thiab cov neeg ua haujlwm cov hnuv nyoog nrog rau cov nqi them sib xws li). Cov tswv haujlwm yuav tsum khaws cov ntaub ntawv them nyiaj uas qhia meej. Cov ntaub ntawv yuav tsum muaj:
- Tus neeg ua haujlwm lub npe;
 - Txoj haujlwm lossis txoj haujlwm;
 - Hnuv nyoog ntawm tus neeg ua haujlwm, yog tias muaj hnuv nyoog qis dua 18 xyoo;
 - Lub sijhawm ntawm ib hnuv uas tus neeg ua haujlwm pib ua haujlwm thiab lub haujlwm nres haujlwm;
 - Cov xuaj moos ua haujlwm hauv ib hnuv thiab cov xuab moos ua haujlwm txhua ncuva sijhawm tau nyiaj them;
 - Hom kev them nyiaj (nyiaj xuaj moos, suav nrog tus qauv nqi thiab nqi ua haujlwm tshaj sijhawm, yog muaj);
 - Kev ntxiv thiab txiav tawm nyiaj los ntawm txhua tus neeg ua haujlwm cov nyiaj nqi zog rau txhua ncuva sijhawm them nyiaj thiab qhov lus piav qhia kev ntxiv thiab txiav tawm;
 - Tag nrho cov nyiaj nqi zog them txhua ncuva sijhawm them;
 - Hnuv them nyiaj ntawm txhua ncuva sijhawm them nyiaj.

Kev Yuam Siv Txoj Cai

- Lub Nroog Saint Paul yuav yuam siv txoj cai qib nyiaj nqi zog tsawg kawg nkaus no li cas? Lub Tuam Tsev Saib Xyuas Cov Cai ntawm Tib Neeg thiab Kev Muaj Vaj Huam Sib Luag rau Kev Ua Lag Luam (HREEO)) tswj siv Txoj Cai no. HREEO muaj txoj cai los soj ntsuam thiab tsim kev nplua. Kev yuam siv yog raws li kev yws. Lub tuam tsev yuav teeb tsa cov kev puas tsuaj thiab kev nplua raws pej xeem txoj cai kom cov neeg ua haujlwm tau txais tag nrho. Lub tuam tsev yuav tsim cov nqi nplua rau kev tuav tswj. Cov kev ua txhaum dua lossis txhob txwm ua yuav raug lub txim hnyav. Siv txhua txoj kev xaiv fab cai lij choj thiab kev raug nplua kom ua raws yuav raug txiav txim siab.
- Kuv xav qhia qhov kev ua txhaum, tab sis kuv ntshai kev ua pauj. Kuv yuav tsum ua li cas?

Txoj Cai no tiv thaiv txhua tus neeg uas tau qhia dawb paug tias muaj kev ua txhaum cai los ntawm kev raug ua pauj, suav nrog cov neeg ua haujlwm thiab cov neeg tsis txaus siab sab nraud. HREEO yuav ceev tus neeg tsis txaus siab cov ntaub ntawv qhia tau tus kheej, kom txog qhov uas tso cai los ntawm txoj kev tshawb nrhiav thiab yuav nug txhua tus neeg tsis txaus siab tias lub nroog puas tuaj yeem qhia tawm lawv tus kheej yog tias qhov kev tshawb nrhiav xav tau. Txoj Cai no txwv tsis pub ua pauj rau kev siv lossis sim siv ib txoj cai uas muaj nyob. Tsis pub ib tus neeg twg tuaj yeem cuam tshuam nrog kev hais cov cai hauv Txoj Cai Them Nyiaj Nqi Zog Qib Tsawg Kawg Nkaus.

Qee cov, tab sis tsis yog tag nrho cov cai raug tiv thaiv, suav nrog:

- txoj cai kom tau txais cov nyiaj them nqi zog qib tsawg kawg nkaus;
- txoj cai los nug txog cov cai uas raug tiv thaiv;
- txoj cai qhia rau lwm tus neeg txog lawv cov cai;
- txoj cai qhia rau tus neeg tus tswv hauj lwm, lub koom haum, lossis cov koom haum zoo sib xws, thiab/lossis kws pab tswv yim fab cai lij choj lossis lwm tus neeg hais txog qhov raug iab liam ua txhaum;
- txoj cai los hais kev tsis txaus siab ntawm ncauj lossis sau ua ntaub ntawv mus rau lub tuam tsev lossis foob raws pej xeeb txoj cai lij choj rau qhov kev iab liam txhaum cai;
- muaj txoj cai los koom tes nrog lub tuam tsev hauv qhov kev ntsuam xyuas;
- txoj cai los ua tim khawv hauv cov txheej txheem;
- txoj cai tsis kam koom tes hauv ib qho haujlwm twg uas yuav ua txhaum rau lub nroog, xeev, lossis tsoom fwv txoj cai lij choj;
- txoj cai los tawm tsam ib txoj cai twg, kev coj ua, lossis kev nqis tes ua uas tsis raug cai raws li txoj cai no.

Vim ib tus neeg siv lawv cov cai hauv txoj cai no, tsis muaj ib tug neeg muaj peev xwm los yog kam qhia qhov kev txaus siab yuav:

- hais qhia rau tsoom fwv tus neeg ua haujlwm tias tus neeg no ua tsis raug cai lij choj hauv Tebchaws Meskas;
- txhawm rau hais qhia xwm txheej kev ua xam xaj lossis kev nkag teb chaws ntawm ib tus neeg ua haujlwm lossis lawv tsev neeg mus rau tsoom fwv lub chaw haujlwm.